

CONCURSO DE VÍDEOS SOBRE ECONOMÍA E EMPRESA

Este concurso, promovido pola Comisión de Normalización Lingüística (CNL) da Facultade de Ciencias Económicas e Empresariais co apoio do Servizo de Normalización Lingüística (SNL) da USC, ten como obxectivo conectar a universidade e o coñecemento científico coas novas xeracións, marcándose os seguintes retos:

- Atraer o interese do estudiantado sobre actividades relacionadas coa economía e a empresa.
- Crear contidos sobre economía ou empresa divulgativos de carácter transversal en lingua galega en formatos audiovisuais que presenten atractivo para o estudiantado.
- Fomentar a participación do estudiantado nunha actividade de divulgación da economía e a empresa en galego.

BASES DO CONCURSO

1. Poderá participar neste concurso estudiantado da ESO, de formación profesional e de bacharelato dos centros de Galicia, en grupos cun máximo de tres estudantes, coordinados/as por un/unha docente.
2. Cada grupo participante preparará un vídeo no que se presenten petiscos ou pímulas sobre calquera tema relacionado coa economía ou a empresa. O enfoque no tratamento do tema é libre. A lingua empregada será o galego, tanto oralmente (locucións, diálogos...) como por escrito (elementos gráficos, subtítulos, etc.).
3. A duración dos vídeos non será en ningún caso inferior a 30 segundos nin superior a 90.
4. Os traballos presentados deben ser inéditos e orixinais.
5. Na valoración dos vídeos terase en conta a calidade técnica (imaxe e son), a corrección lingüística, a orixinalidade do vídeo, e a corrección nos conceptos científicos.
6. Os vídeos confeccionados deberán subirse a unha canle de YouTube. A publicación das pezas farase baixo licenza *Creative Commons Recoñecemento-Non Comercial-SenObraDerivada* (CC BY-NC-ND, <https://creativecommons.org/licenses/by-nc-nd/4.0/deed.gl>). As e os participantes serán os únicos e exclusivos responsables dos contidos dos vídeos en canto a esixencias legais de dereitos de imaxe ou plaxio segundo as leis vixentes.
7. Para presentarse ao concurso cómpre que as e os autores (ou representante/s) acheguen nun correo electrónico a ficha de inscrición (Anexo I), dirixido ao enderezo ecoade.decanato@usc.gal e co asunto "Concurso Mocidade

ao mando: explorando a Economía e a Empresa". O prazo para a presentación dos traballos remata o 10 de novembro de 2025.

8. Os premios do concurso "Mocidade ao mando: explorando a Economía e a Empresa" repartiranse do seguinte xeito:

- Primeiro premio: agasallo por valor de 175 euros
- Segundo premio: agasallo por valor de 125 euros
- Terceiro premio: agasallo por valor de 100 euros

9. O xurado encargado da concesión destes premios estará integrado pola Comisión de Normalización Lingüística da Facultade de Ciencias Económicas e Empresariais, un representante do Servizo de Normalización Lingüística da USC e un representante de AGAEDES (Asociación Galega de Ensinantes de Economía en Secundaria).

10. Os vídeos gañadores anunciaranse nos sitios web da Facultade de Ciencias Económicas e Empresariais e do Servizo de Normalización Lingüística da USC. Ás persoas gañadoras comunicaráselles persoalmente por algún dos medios sinalados na presentación (punto 7 destas bases). Os premios entregaranse nun acto público organizado pola Facultade.

11. Os vídeos seleccionados quedarán en poder da Universidade de Santiago de Compostela, quen se reserva o dereito de os poder empregar para a súa exposición pública. Os/as participantes autorizan á Facultade de Ciencias Económicas e Empresariais a facer públicos os traballos presentados a través das súas páxinas web e das redes sociais.

12. A organización poderá levar adiante aqueles cambios que considere axeitados para o mellor desenvolvemento do concurso, o que comunicará nos taboleiros da Facultade e no sitio web do SNL.

13. A participación no concurso supón a aceptación íntegra das presentes bases, así como a decisión do xurado, que será inapelable.

ANEXO I

Ficha de inscrición en “Mocidade ao mando: explorando a Economía e a Empresa” (2ª edición)

TRABALLO	
Título:	
Ligazón ao vídeo en <i>YouTube</i> :	
DATOS PERSOAIS DAS/DOS PARTICIPANTES	
Estudiante participante	
Nome e apelidos:	NIF ou nº de pasaporte:
Teléfono/s:	Correo electrónico:
Estudiante participante	
Nome e apelidos:	NIF ou nº de pasaporte:
Teléfono/s:	Correo electrónico:
Estudiante participante	
Nome e apelidos:	NIF ou nº de pasaporte:
Teléfono/s:	Correo electrónico:
Docente participante	
Nome e apelidos:	NIF ou nº de pasaporte:
Teléfono/s:	Correo electrónico:

CONSENTIMIENTO INFORMADO (riscar cun X)
De conformidade coa Lei Orgánica 3/2018, do 5 de decembro, de Protección de Datos Persoais e garantía dos dereitos dixitais e co Regulamento UE 2016/679, os datos recadados serán tratados pola Universidade de Santiago de Compostela (USC) no tratamento de “<i>Xestión de actividades culturais</i>” cuxa finalidade é a xestión dos congresos e reunións científicas, proxectos e actividades culturais, xestión de proxectos culturais: difusión e divulgación de actividades culturais a través de publicacións impresas, web, radio e televisión etc. O responsable de dito tratamento é a Universidade de Santiago de Compostela con domicilio no Colexio de San Xerome, Praza do Obradoiro s/n, 15782, Santiago de Compostela, correo electrónico: protecciondatos@usc.gal Tamén pode poñerse en contacto co Delegado de Protección de Datos da USC a través do enderezo electrónico

dpd@usc.es

A base de xustificación deste tratamento é o consentimento expresado polas persoas interesadas.

Non se prevén cesións nin transferencias de datos.

As persoas interesadas poden exercer ante o responsable os dereitos de acceso, rectificación, supresión, limitación de tratamento, oposición e portabilidade a través da Sede Electrónica da USC:

<https://sede.usc.es/sede/publica/catalogo/procedemento/55/ver.htm>

Tamén poden dirixirse á Agencia Española de Protección de Datos para realizar as reclamacións que consideren oportunas.

Os datos serán conservados durante o período no que se realice a finalidade para a que foron recollidos, ou o tempo necesario para cumprir coas obrigas legais. Cumprida a finalidade, os datos bloquearanse ata que transcorran os prazos de prescrición aplicables.

A política de privacidade e protección de datos da USC pódese consultar na web:

<https://www.usc.gal/gl/politica-privacidade-proteccion-datos>

Se non se proporcionan os datos requiridos e as autorizacións para o seu tratamento, a solicitude non poderá ser tramitada.



Dou o meu consentimento para o tratamento dos datos proporcionados de acordo coa lexislación vixente para poder resolver a miña solicitude.

En

, a

de

de 2025

Sinatura/s